



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo- Grad Sarajevo
OPĆINA CENTAR SARAJEVO

Općinski načelnik
Služba za urbanizam i zaštitu okoliša

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 07-19-2332/20
Datum, 11.06.2020.g.

Bosna i Hercegovina
Parlamentarna skupština
Bosne i Hercegovine
Predstavnički dom

| PRIMLJENO: 22.06.2020 | | | |
|------------------------|-----------------------|------------|--------------|
| Organizaciona jedinica | Klasifikaciona oznaka | Redni broj | Broj priloga |
| 01 | 0-1 | 15-9/20 | 2 |

n/r gđin. Nebojša Radmanović, predsjedavajući

Veza Vaš broj: 01-50-1-15-9/20

Predmet: odgovor na poslaničko pitanje poslanika Arnaut Damira

Na poslaničko pitanje poslanika Arnaut Damira a vezano za slobodnostojeći reklamni pano tipa „JUMBO“ postavljen u parku „Jelena Vitas“ u Sarajevu, Općina Centar Sarajevo se izjašnjava na sljedeći način:

-Dana 29.01.2020.godine firma „Aumento“ d.o.o.Sarajevo se obratila Službi za urbanizam i zaštitu okoliša Općine Centar Sarajevo zahtjevom za izdavanje urbanističke saglasnosti za postavljanje reklamnog panoa dim. 5,04 x 2,38 na lokaciji- ul. Branilaca Sarajeva (preko puta restorana „Preporod“). Uz zahtjev je dostavljena fotomontaža reklamnog panoa, kopija katastarskog plana I ZK Izvadak za parcelu k.č. broj 1853/1 K.O.Sarajevo IV;

-Uvidom u dostavljenu dokumentaciju je konstatovano da se predmetni zahtjev odnosi na postavljanje slobodnostojećeg reklamnog panoa tipa „JUMBO“ u cestovnom/zaštitnom cestovnom pojasu ulice Branilaca Sarajeva, koja je lokalna ulica čiji upravitelj je Općina Centar Sarajevo, a u skladu sa Odlukom o razvrstavanju lokalnih cesta i ulica u gradu Sarajevu na području Općine Centar Sarajevo, Novi Grad Sarajevo, Novo Sarajevo i Stari grad Sarajevo (Sl. novine KS, broj 40/14);

-Cijeneći naprijed navedeno u toku postupka je zatražena i pribavljena saglasnost vještaka saobraćajne struke putem nadležne općinske Službe za investicije, komunalni razvoj i planiranje broj:03-19-647/20 od 11.02.2020.godine za postavljanje reklamnog sadržaja na predmetnoj lokaciji;

-Rješenjem Općinskog načelnika putem Službe za urbanizam i zaštitu okoliša Općine Centar Sarajevo broj:07-19-453/20 od 27.02.2020.godine je firmi „Aumento“ izdata urbanistička saglasnost za postavljanje slobodnostojećeg reklamnog panoa u ulici Branilaca Sarajeva (preko puta restorana „Preporod“) u Sarajevu, na zemljištu označenom kao k.č.broj 1853/1-dio K.O.Sarajevo IV.Sastavni dio rješenja je bila lokacija objekta broj 07-19-453/20 od 24.02.2020.godine;

-Naprijed navedeno rješenje je izdato u skladu sa odredbama člana 48. i 54. Zakona o prostornom uređenju („Službene novine Kantona Sarajevo“, broj 24/17,1/18), člana 7. Zakona o privremenom korištenju javnih površina na području Kantona Sarajevo („Službene novine Kantona Sarajevo“, broj 20/04, 26/12, 32/12 i 24/15), člana 78. i člana 80. Zakona o cestama Federacije BiH („Službene novine Federacije BiH“, broj 12/10, 16/10, 66/13), člana 7. Pravilnika o postavljanju reklamnih znakova na cestama („Službene novine FBiH“, broj 75/10), člana 6. i 7. Pravilnika o postavljanju reklamnih znakova na cestama i znakova informacija u cestovnom pojasu i zaštitnom cestovnom pojasu koje pripada javnim lokalnim i nekategorisanim cestama kojima upravlja Općina Centar („Službene novine Kantona Sarajevo“, broj 11/17);

-Pozivajući se na naprijed navedene zakonske odredbe koje su pravna regulativa za postavljanje slobodnostojećih reklamnih panoa u cestovnom i zaštitnom cestovnom pojasu saobraćajnica, dispozitivom rješenja su propisani urbanističko-tehnički uslovi pod kojima se može izdati predmetna urbanistička saglasnost, te su neki od uslova sljedeći:

- ✓ „Reklamni pano tip „JUMBO dimenzija 5,04 x 2,38 m, postaviti u skladu sa lokacijom“;
- ✓ „Reklamni pano postaviti prema saglasnosti upravitelja ceste, u ulici Branilaca Sarajeva, u svemu prema datom odobrenju“;
- ✓ „Postavljanje se može izvršiti nakon što korisnik dobije odobrenje nadležnog organa za ceste, te nakon dobijanja urbanističke saglasnosti, dostavljanja dokaza o riješenim imovinsko-pravnim odnosima, izvoda iz katastra podzemnih instalacija i tehničke dokumentacije (dva primjerka Glavnog projekta Izrađena od strane ovlaštene projektantske firme)“;


- ✓ „Ukoliko se reklamni pano postavlja putem priključka na javnu rasvjetu, korisnik je dužan priključenje izvršiti uz saglasnost Ministarstva komunalne privrede i infrastrukture KS“;

-Takođe, stavom III dispozitiva predmetnog rješenja je propisana obaveza podnosioca zahtjeva da je po pravosnažnosti rješenja o urbanističkoj saglasnosti, a prije postavljanja reklamnog panoa, isti dužan obratiti se nadležnom upravitelju ceste zahtjevom za izdavanje odobrenja za korištenje cestovnog i zaštitnog cestovnog pojasa ;
-Rješenje Općinskog načelnika putem Službe za urbanizam i zaštitu okoliša Općine Centar Sarajevo broj:07-19-453/20 od 27.02.2020.godine je postalo pravosnažno sa danom 19.03.2020.godine.

Još jednom ističemo činjenicu , a kako je i navedeno u dispozitivu rješenja Općinskog načelnika putem Službe za urbanizam i zaštitu okoliša Općine Centar Sarajevo broj:07-19-453/20 od 27.02.2020.godine, da je postavljanje reklamnog panoa dozvoljeno tek nakon što firma „Aumento“ d.o.o.Sarajevo dobije odobrenje nadležnog organa za ceste, dostavljanja dokaza o riješenim imovinskopравnim odnosima, izvoda iz katastra podzemnih instalacija i tehničke dokumentacije (dva primjerka Glavnog projekta izrađena od strane ovlaštene projektantske firme), a koja dokumentacija se pribavlja po pravosnažnosti predmetne urbanističke saglasnosti.

Obzirom da je predmetni reklamni pano postavljen bez odobrenja upravitelja ceste-Općine Centar Sarajevo obavještavamo Vas da ćemo odmah putem nadležne općinske službe za inspeksijski nadzor poduzeti neophodne mjere na uklanjanju istog.

S poštovanjem,



DOSTAVITI:

1. Naslovu,
2. Evidencija,
3. Arhiva.